

ՇԻՐԱԿԻ ԲՈՒՍԱԲՈՒԾՈՒԹՅՈՒՆԸ 1920-1930-ԱԿԱՆ ԹԹ.

Շիրակում XXդ. առաջին երկու տասնամյակներին, սոցիալ-տնտեսական գործոններով պայմանավորված, ցանքատարածությունների մակերեսն անընդ-հատ փոքրացավ: Այսպես, եթե 1913թ. Հայաստանում մշակվել է 345,7 հազ. հա հո-դատարածք, 1919թ.՝ 82,7 հազ. հա, իսկ 1969թ.՝ 679,9 հազ. հա¹, ապա Շիրակում՝ համապատասխանաբար 40 հազ. հա, 8 հազ. հա² և 85,8 հազ. հա³: Երկրագործա-կան աշխատանքների արդյունավետությունը բարձրացնելու համար կառավարու-թյունը 1920թ. ստեղծեց գյուղատնտեսության և գույքի նախարարություն: Երկրա-գործական աշխատանքներն աստիճանաբար կարգավորվում էին: Սակայն, թուր-քական բանակը կրկին ծանր հարված հասցրեց Ալեքսանդրապոլի գավառի գյու-ղացիությանը և համանուն քաղաքի բնակչությանը 1920թ. նոյեմբերին ներխու-ժելով Հայաստան: Միայն Փամբակի գյուղերից Թուրքիա տարվեցին 24303 զույն խոշոր և 96704 զույն մանր եղջերավոր անասուն, 6296 գութան և արոր, 527927 փուք ալյուր⁴: Այդ ամենն արվում էր տեղի բնակչությանը և գաղթական հայերին սովամահության մատնելու համար: Հայաստանի կենտրոնական վիճակագրա-կան վարչության կույրերից պարզվում է, որ Դուզլանլի գավառակում (ներկայիս Ախուրյանի տարածաշրջան) ցանքս չունեցող 31 տնտեսություններից 27-ը «ինչ ու ցանքս չունեք» հարցին պատասխանել են «լծկան, սերմացու ու ինվենտար չու-նենք»: Նույնպիսի պատասխան են տվել նաև Մուլա-Գյոքչա (ներկայիս Անիի տարածաշրջան) գավառամասի 30 տնտեսությունից՝ 29-ը, Թալինի գավառամասի 28 տնտեսությունից՝ 16-ը, Հաջի-Նալիլի (ներկայիս Ծաղկաձուլիտի տարածա-շրջան) գավառամասի 21 տնտեսությունից՝ 19-ը⁵:

Խորհրդային առաջին տարիներից արմատապես փոխվեց գյուղատնտե-սական քաղաքականությունը: 1920-30-ական թվականները կարելի է բնութագրել, որպես սոցիալիստական ագրարային հեղափոխության տարիներ: Հայաստա-նում, նաև Շիրակում ավանդական բնամթերային երկրագործությունից անցում կատարվեց առաջադիմական սոցիալիստական ապրանքային երկրագործության: Փոփոխություններ տեղի ունեցան նախնառաջ հողատիրական հարաբերություն-ներում: Գյուղացիական հողատարածքներն ազգայնացվեցին: Խորհրդային Հա-յաստանի, այդ թվում՝ Ալեքսանդրապոլ-Լենինականի գավառի իշխանությունների գերխնդիրն էր վերականգնել հանրային տնտեսությունը՝ հասցնելով այն 1913թ.

¹ Սովետական Հայաստանը 50 տարում, Եր., 1970, էջ 111:

² Միքայելյան Վ., Հողային հարցը եւ գյուղացիության դրությունը Հայաստանում 1917-1920թթ. Պատմաբանասիրական հանդես (այսուհետ՝ ՊԲՀ), Եր., 1960, N 1, էջ 122:

³ Սովետական Հայաստանը 50 տարում, էջ 119:

⁴ Միքայելյան Վ., Հողային հարցը եւ գյուղացիության դրությունը Հայաստանում 1917-1920թթ., ՊԲՀ, N 1, Եր., 1960, էջ 115:

⁵ Մարտիկյան Ա., Սոցիալ-տնտեսական փոփոխությունները հայկական գյուղում. Տեղեկագիր Հայկական ՍՍՏ գիտությունների ակադեմիայի N5, էջ 10, Եր., 1948:

մակարդակին: Այդ դժվարին գործընթացն սկսվեց նոր տնտեսական քաղաքականության կենսագործումով⁶:

Էապես փոխվեց բուսաբուծության զարգացման ընթացքը: Ընդունված հողային օրենսգրքի համաձայն՝ գյուղատնտեսական նշանակություն ունեցող հողերի անմիջական օգտագործման իրավունքը վերապահվեց հողագործներին և նրանց միություններին, քաղաքային բնակավայրերի բնակչությանը և պետական ձեռնարկություններին: Օրենքով արգելվեցին հողի առք ու վաճառքը, կտակելն ու գրավ դնելը: Թույլատրվեցին հողի վարձակալություն և օժանդակ վարձու աշխատանքի օգտագործում: Հողային հասարակություններում կամ գյուղական համայնքներում հողը ենթակա էր դառնում պարբերական վերաբաժանման 9 տարի ժամկետով, և հավասարության՝ ըստ ծխերի՝ անդամների թվի՝ համաձայն շնչաբաժին ետրմայի: Չնայած այդ քայլերին՝ գավառում գյուղացիների շերտավորումը և շահագործումը պահպանվում էր⁷:

Ալեքսանդրապոլի գավառում հողային հարցի լուծումը դժվար էր նաև ազատ հողերի բացակայության պատճառով: Ուստի հողի շնչաբաժնի ետրման կրճատվեց: Խնդրին լուծում տալու համար որոշվեց ստեղծել կոոպերացիոն գյուղացիական տնտեսություններ: 1924թ. ՀԽՍՀ Կենտգործկոմի կողմից ընդունված դեկրետով գյուղացիական կոոպերացիաներում կարող էր ընդգրկվել 15-ից ոչ պակաս գյուղացիական տնտեսություն⁸: 1927թ. դրությամբ գավառում գյուղկոոպերացիաները 41 էին և միավորել էին 5417 գյուղացիական տնտեսություն, ինչը Ալեքսանդրապոլի գավառի գյուղացիական տնտեսությունների 20,4%-ն էր⁹: Նշված տարում կաթարտել կոոպերացիային էին միացել 15841 տնտեսություն, 28-ը թոչնաբուծական ընկերության անդամ էին, 4198-ը օգտվել են վարկընկերության ծառայությունից, կազմավորվել էին հեղօգտագործման, ոչխարաբուծական և մեղվաբուծական ընկերություններ¹⁰: Գյուղատնտեսության, մասնավորաբար, բուսաբուծության զարգացման գործոններից մեկը եղավ գյուղատնտեսական ՓՕԿ-ի (փոխադարձ օգնության կոմիտե) կազմավորումը: 1927թ. Ալեքսանդրապոլի գավառում ՓՕԿ-երի թիվը 197 էր, նրանցում աշխատողների թիվը 1368¹¹: Գյուղատնտեսության կոոպերացմանը հաջորդեց կոլեկտիվացումը:

Աղյուսակ 1-ում բերված տվյալներից երևում է, որ պայմանավորված հիմնականում կոլեկտիվացման գործընթացով՝ նշված ժամանակահատվածում կտրուկ փոփոխվել է տարբեր տեսակի գյուղացիական տնտեսությունների ցանքատարածությունների մեծությունը: Մենատնտեսներից խլված բազմաթիվ հողատարածքներ հանձնվել են կոլեկտիվ տնտեսություններին:

⁶ Հակոբյան Ա., Սովետական Հայաստանի բանվոր դասակարգը ժողովրդական տնտեսության վերականգնման տարիներին (1921-1925թթ.), ՊԲԶ, N 3, Եր., 1980, էջ 31:

⁷ ՀԱԱ Շիրակի տարածքային մասնաճյուղի նյութեր. ֆ. 9, ց. 1, գ. 41, թ. 49:

⁸ Թամրազյան Բ., Սովետական Հայաստանում գյուղատնտեսական մտավորականության կազմավորման պատմությունից (1921-1925թթ.), Լրաթեր հասարակական գիտությունների, 1, 6(546), Եր., 1988, էջ 32:

⁹ ՀԱԱ Շիրակի տարածքային մասնաճյուղի նյութեր. ֆ. 9, ց. 1, գ. 7, թ. 110:

¹⁰ ՀԱԱ Շիրակի տարածքային մասնաճյուղի նյութեր. ֆ. 9, ց. 1, գ. 7, թ. 110:

¹¹ ՀԱԱ Շիրակի տարածքային մասնաճյուղի նյութեր. ֆ. 9, ց. 1, գ. 7, թ. 97

Աղյուսակ 1

Ցանքատարածությունը Լենինականի շրջանում 1933-1935թթ.¹²

	1933թ.		1935թ.					
	աշնանացան ցորեն	գարնանացան ցորեն	աշնանացան ցորեն	գարնանացան ցորեն	կարտոֆիլ	շաքարի ճակնեղ	կոտավատ	կերակրախոտ
կոլտնտեսություն	2875	4544,7	5141,0	17212	529	362	854	694
խորհտնտեսություն	645	859,0	969,0	1639,0	522	355	1	880
մենատնտեսություն	727,7	8280,0	469,2	4686	86	—	110	—
Ընդամենը	4247,2	13683,7	6579,2	23537	1137	717	965	1574

Խորհրդային տարիների սկզբին փոխվեցին գյուղական համայնքների և գյուղացիական տնտեսությունների տեսակները, ինչը նույնպես ազդեց երկրագործական աշխատանքների կազմակերպման վրա: Շիրակում տնտեսվարում էին գյուղացիական տնտեսությունների տարբեր տեսակներ: Դրանցից էին՝ խորհրդային տնտեսությունները, աշխատանքային արտելները, մերձքաղաքային գյուղացիական կոոպերացիոն տնտեսությունները, կոլեկտիվ տնտեսությունները, մենատնտեսությունները և այլն: 1932թ. Լենինականի շրջանի 20,4 հազ. հա գյուղատնտեսական հողատարածքից 683 հա բաժին է ընկել տրեստավորված խորհրդային տնտեսությանը, 93,5-ը՝ մերձքաղաքային կոոպերացիոն տնտեսությանը, 6477-ը՝ կոլտնտեսությանը և 13160-ը՝ մենատնտեսությանը¹³:

Սկզբնական շրջանում վերափոխման մեջ որոշակի առաջնայնություն ունեցավ պետական խաշոր գյուղացիական տնտեսությունների խորհրդային տնտեսությունների (սովխոզների) կազմավորումը: Լենինականում խորհրդային առաջին տնտեսությունը հիմնադրվել է 1929թ., այնտեղ հիմնականում մշակել են հացահատիկային բուսատեսակներ և շաքարի ճակնեղ: Ի դեպ, առաջին փորձերից պարզվեց, որ մշակվող ճակնեղեղի շաքարի պարունակությունը Շիրակում 19,5% է, այն դեպքում, երբ Կուրսկում 17,5, իսկ Վրաստանում 14% էր¹⁴:

Կարճ ժամանակահատվածում զգալի չափով բարձրացավ խորհտնտեսությունների տեխնիկական զինվածությունը, էապես ավելացավ շաքարացանների և կալսիչների թիվը¹⁵:

1931-1933թթ. շրջադարձային եղան մենատնտեսության համար: Նշված ժամանակահատվածում մենատնտեսություններին պատկանող ցանքատարածու-

¹² ՀԱՍ Շիրակի տարածքային մասնաճյուղի կյութեր, ֆ. 9, ց. 1, գ. 153, թ. 13, ֆ. 9, ց. 2, գ. 200, թ. 98-121:

¹³ Նույն տեղում գ. 102, թ. 36:

¹⁴ Վիրաբյան Ա., Ուրվագծեր Հայաստանի ոռոգման պատմության, Եր., 1986, էջ 147:

¹⁵ Ղազարեցյան Վ., Առվիտղային շինարարությունը Հայաստանում 1921-1930թթ., Հայկական ՍՍՌ գիտությունների տեղեկագիր, ԱՅ, Եր., 1961, էջ 3:

թյունները նվազեցին 4,8 հազ. հա-ով կամ 36,6%-ով՝ 13,1 հազ. հա-ից¹⁶ հասնելով 8,3 հազարի: Լեռնականի շրջանում այդ տարիները բնութագրվում են իբրև համատարած կոլեկտիվացման տարիներ, երբ ունևոր գյուղացիները կամ «կուլակները» որպես սոցիալական խումբ դադարեցին գոյություն ունենալուց: 1920-ական թվականներին գործնական նշանակություն ստացավ կուլակին որոշելու, նրա չափանիշները սահմանելու հարցը: Հարցի լուծումը կարևորվեց, երբ իշխանությունը սկսեց տարբերակված հարկային քաղաքականություն վարել գյուղացիության սոցիալական շերտերի նկատմամբ. չքավորներն ազատվում էին հարկերից, միջակները հարկվում էին չափավոր, իսկ հարկի հիմնական ծանրությունը դրվեց ունեվոր կուլակային տնտեսությունների վրա: Գործում էին մի քանի հարկատեսակներ՝ հավասարեցման հարկ, եկամտահարկ, դասային հարկ, վերջապի, գյուղմիասնահարկ և այլն: Տուրքերից կարելի է առանձնացնել իրավաբանական ծառայությունների և անասունների համար վճարվող գումարները և անշարժ գույքի ու անասունների համար վճարվող տեղեկանքների դիմաց արվող մուծումները: Միանվագ տուրք գանձվում էր շուկաներից և առևտրի համար հատկացված վայրերից: Միանվագ տուրքից ազատվում էին այն գյուղացիները, որոնք վաճառում էին իրենց տնամերձից ստացած բերքը, ինչի համար պետք է ունենային գյուղ-խորհուրդների և քաղխորհրդի կողմից տրվող վկայական¹⁷:

1926-27 տնտեսական տարում Ալեքսանդրապոլի գավառում գրանցվեց գյուղացիական մթերքների գների իջեցում, մասնավորապես, կարագի գինը նվազեց 18%-ով, շաքարինը՝ 6,4, բրնձինը՝ 10, տավարի մսինը՝ 9 և ոչխարի մսինը՝ 7,5%-ով: Գյուղմթերքների գների անկման պատճառը նախնառաջ պետության կողմից իրականացվող գնագոյացման քաղաքականությունն էր. վերացել էր գյուղմթերքներ վերավաճառող կազմակերպություններից մի մասը, նվազել էին գյուղմթերքների առք ու վաճառքով զբաղվող պետական կազմակերպությունների վարչական ապարատի ծախսերը: Մինչ այդ գյուղմթերքը քաղաքային սպառողին հասնելու համար անցնում էր գործարան-սինդիկատ-կենտրոնական միություն-Անդրկովկասյան կոոպմիություն-Հայկոոպ-Բանկոոպ շղթան, որը թանկացնում էր վերամշակում անցած գյուղմթերքը միջինը 25-30%-ով¹⁸:

Գավառի գյուղատնտեսության, հատկապես բուսաբուծության զարգացման մեջ առանցքային նշանակություն ունեցան վարկային ընկերությունները, որոնք հիմնականում վարկ էին տրամադրում չքավոր և աղքատ գյուղացիական տնտեսություններին լծկան անասուն և սերմացու ձեռք բերելու համար: Վարկավորում էին ոչ միայն պետական բանկային հաստատությունները, այլև հարուստ գյուղացիները: Խորհրդային իշխանությունը, վերջինս համարելով վաշխառություն, քրեորեն պատժելի արարք, խոչընդոտում էր դրան՝ առաջ բերելով հարուստ գյուղացիների դժգոհությանը, քանի որ նրանք զրկվում էին շահույթ ստա-

¹⁶ ՀԱԱ Շիրակի տարածքային մասնաճյուղի նյութերը. ֆ. 9, ց. I, գ. 102, ք. 22:

¹⁷ Նույն տեղում, գ. 6, ք. 43:

¹⁸ Նույն տեղում, գ. 7, ք. 96:

նալու հնարավորությունից¹⁹։ Դիմադրությունը ծայրահեղ բնույթ ստացավ, երբ մեծահարուստ գյուղացիների արգելվեց ընտրությունների մասնակցել՝ զրկելով նրանց իշխանություն ձևավորելու հնարավորությունից։

Ըստ Լենինականի գավառային գործադիր կոմիտեի զեկուցագրերի տվյալների բուսաբուծությունը 1920-ական թվականների երկրորդ կեսին գավառի տնտեսության զարգացման առաջատար ճյուղն էր։ 1926-27 տնտեսական տարվա բնակչի մայական անբարենպաստությամբ (երաշտ, կարկուտ) պայմանավորված բուսաբուծությանը գավառում մեծ վնաս կրեց²⁰։ Ընդհանուր առմամբ, 1920-ական թվականները գավառում հացահատիկի ցածր բերքատվության տարիներ էղան։ Դրա պատճառը ինչպես ցանքատարածությունների նվազումն էր, այնպես էլ ցածր արտադրողականությունը։ 1920-1930-ական թվականներին գավառում նկատելի անկում ունեցավ նաև կտավատի արտադրությունը՝ պայմանավորված ինչպես էլեկտրաֆիկացումով (կտավատի ձեթը ճրագալույսի հոսմքն էր), այնպես էլ Ռուսաստանից արևածաղիկի ձեթի ներմուծման ծավալների ավելացմամբ²¹։ Իսկ 1927-1935թթ. հացահատիկի ցանքատարածության նվազման հիմնական պատճառը կոլեկտիվացումն էր, որը մենատնտեսների զրկեց սեփական հողատարածքներից։ Բնականաբար, այդպիսի պայմաններում հացահատիկային բուսատեսակների արտադրության համախառն արդյունքը պակասելու էր²²։

1920-ական թվականներին հացահատիկային բուսատեսակների բերքատվությունը բարձրացնելու համար ստեղծվում են փորձադաշտեր և սերմադաշտեր։ Ազդոարդյունաբերական անձնակազմի կողմից գավառի 32 գյուղերի 123 տնտեսությունում 120 դեսյատինի վրա ցանվում էին 12 տեսակի ցորեն, 10 տեսակի գարի և 2 տեսակի վարսակ²³։ 1932թ. երկրագործական աշխատանքները կազմակերպելու գործում կարևորվել է, այսպես կոչված, սերմֆոնդերի ապահովումը, ինչը որոշ դեպքերում հարուցել է գյուղացիների և գյուղում բնակվող բանվորների մի մասի դժգոհությունը, որոնք երաժարվել են կատարել սերմֆոնդի գծով իրենց առաջադրանքը²⁴։

Շիրակը հանրապետության միակ շրջանն էր, որ բավարարում էր ցորենի ներքին պահանջարկը։ Լենինականի գավառում 1925-1926 տնտեսական տարում հացահատիկային ցանքատարածությունը կազմել է 66456 հա։ Մեկ հեկտարից ստացված բերքի քանակը (8.2g) զիջում էր հանրապետական միջին ցուցանիշին։ Արժե հիշատակել, որ 1925-1926 տնտեսական տարում գավառի գյուղական բնակչության մեկ շնչին միջինը բաժին է ընկել 208կգ հացահատիկ, իսկ քաղաքում

¹⁹ ՀԱԱ Շիրակի տարածքային մասնաձյուղի կյուրթեր. ֆ. 9, ց. 1, գ. 7, ք. 104։

²⁰ Նույնը։

²¹ Նույն տեղում, ֆ. 9, ց. 2, գ. 117, ք. 1։

²² Նույն տեղում, ֆ. 9, ց. 1, գ. 7, ք. 110։

²³ Նույն տեղում, ք. 100։

²⁴ Նույն տեղում, գ. 144, ք. 16։

176կգ²⁵։ Տարեկան միջինը ցանվել է 9.2 հազ. տ ցորենի և 1.3 հազ. տ գարու սերմացու²⁶։ Ցորեն ցանվել է բոլոր գավառակներում (տե՛ս աղյուսակ 2)։

Բուսաբուծության զարգացման վրա ազդող կարևոր գործոններից էր գյուղատնտեսական կրթության կազմակերպումը։ Երկրագործական աշխատանքները ետք ավելի բարձր մակարդակի հասցնելու գործում կարևոր նշանակություն ունեցավ 1922թ. Ալեքսանդրապոլ քաղաքում տեխնիկումի բացումը, որի գյուղատնտեսական բաժանմունքում սովորում էր 23 ուսանող²⁷, որոնց փորձառություն ձեռք բերումն ապահովելու համար գավգործկոմը նրանցից 9 հոգու աշխատավարձ հատկացնելով ուղարկեց գավառակի գյուղերը²⁸։ Անցկացվում էին գյուղատնտեսական դասընթացներ, որոնց մասնակցում էին հազարավոր ունկնդիրներ։

Բուսաբուծության զարգացման ընթացքում կարևոր նշանակություն ունեցավ ջրանցքների կառուցումը։ Շիրակի ջրանցքն այդ տարիներին մեր հանրապետության ամենախոշոր ջրաշինարարական կառույցն էր։ Ջրանցքն սկիզբ էր առնում Ախուրյան գետից (Կապս գյուղի մոտերքից) ուներ 21կմ երկարություն։ Նրա շինարարության աշխատանքներն ավարտվեցին 1929թ.։ Ջրանցքը հնարավորություն ընձեռեց ոռոգելու շուրջ 10հազ հա անջրդի հողեր²⁹, նպաստեց ետք բուսատնտեսների, մասնավորապես շաքարի ճակնդեղի մշակությանը։ Կառուցվեց նաև Գեղարոտ գետից սկիզբ առնող մի այլ ջրանցք։ Այն տեղը, որտեղից սկիզբ է առնում ջրանցքը, գյուղացիները մինչև օրս անվանում են «Ռուսի բանդ»³⁰։

Լենինականի գավառում հացահատիկային գյուղատնտեսական աշխատանքները հիմնականում սկսվում էին գարնան սկզբին և շարունակվում մինչև ամառվա վերջը, որից հետո երկրագործը հողը մշակելով չէր զբաղվում։ Այդ բացը լրացնելու համար գյուղացիների համար տեղական իշխանությունները կազմակերպում են ցուցադաշտեր և ցուցահողամասեր, որտեղ ցույց էր տրվում աշնանացան ցորենի մշակության կարևորությունը։ Ներկայացնում էին ցանքաշրջանառությունը և մշակման տեխնիկան։ 1927թ. գավառում կազմակերպվում է 149 գյուղացիական ցուցահանդեսներ, որոնց հիմնական նպատակն էր ցուցադրել գյուղացիությանը շաքարացանի, սերմացանի, սերմերի ախտահանման առավելությունները։

Լենինականի շրջանում 1931-1932 տնտեսական տարում տրեստավորված խորհրդային տնտեսությունները մշակել են 673հա հողատարածք, հիմնարկ ձեռնարկությունների ենթակայության տակ գտնվող գյուղացիական տնտեսությունները 10, կոլեկտիվ տնտեսությունները՝ 6477 և մենատնտեսությունները 13160 հա, մերձքաղաքային կոոպերացիայի տնտեսությունները՝ 93.5 հա հողատարածք։ Բերված թվերից երևում է, որ կոլեկտիվացման գործընթացը չի ավարտվել և հողատարածքների զգալի մասը մշակել են մենատնտեսները։

²⁵ ՀԱԱ Շիրակի տարածքային մասնաճյուղի նյութեր, ֆ. 9, ց. 1, գ. 5, թ. 1-2։

²⁶ Նույնը։

²⁷ Թամրազյան Բ., նշվ. աշխ., էջ 33-34։

²⁸ ՀԱԱ Շիրակի տարածքային մասնաճյուղի նյութեր, ֆ. 9, ց. 1, գ. 7, թ. 104։

²⁹ Վիրաբյան Ա., նշվ. աշխ., էջ 147։

³⁰ Դաշտային ազգագրական նյութեր, տետր 1, Գյումրի, 2014։

Աղյուսակ 2

Լենինականի գավառակների 1925-1926թթ. գյուղատնտեսական տարվա փաստական բերքի քանակը(գ/հա) ըստ գավառային փորձագիտական հանձնաժողովի տվյալների /հաշվարկը գ/հա-ով/

գավառակ	Երբեք գ/հա		գարի	կտավատ	խոտ գ/հա		Մանրություն
	աշնանացան հա	գարնանացան			քնական	ցանովի	
Դուզյանդ	7,2	5,8	8,7	5,8	6,5	50,1	ա/Դուզյանդի փորձադաշտի աշնանացան
Քյավթառու	7,0	6,5	7,5	5,8	7,3	29,1	ցորեն 20,5
Դըլդըլ	-	4,3	5,8	4,6	11,6	36,4	ք/Քյավթառուի փորձադաշտի աշնանացան
Մուլա-Գյոկչա	7,2	6,8	6,5	5,0	6,5	-	ցորեն 17,9
Ամասիա	-	5,8	7,2	4,6	11,6	29,1	
Թալին	7,3	3,9	5,8	2,6	4,4	21,9	
Հաջի Խալիլ	-	4,3	6,5	2,9	8,7	29,1	
Միջինը	7,2	5,3	6,9	4,5	8,1	32,6	

Աղյուսակը կազմելիս օգտագործվել են ՀԱԱ Շիրակի տարածքային մասնաճյուղի նյութերը. ֆ.9, ց.1, գ.5,թ.1-2:

Աղյուսակ 2-ից երևում է, որ աշնանացան ցորեն ցանել են Դուզյանդի, Քյավթառուի, Մուլա-Գյոկչայի և Թալինի գավառակներում, իսկ գարնանացան բոլոր գավառակներում: Գարնանացան ցորենի համեմատաբար բարձր բերքատվություն ապահովվել է Մուլա-Գյոկչայի գավառակում՝ 6,8 գ/հա, իսկ ամենացածրը՝ Դըլդըլի և Հաջի Խալիլ գավառակներում: Լենինականի գավառում ցորենի մշակության զլխավոր գավառներն են եղել Դուզյանդի, Քյավթառուի և Թալինի գավառակները: Աշնանացան ցորենի բերքը 1 հա-ից ստացվել է 16-19 ց ցորեն, իսկ գարնանացանից 12-13 ց³¹:

Գավառը նշված ժամանակահատվածում նաև Հայաստանի գարու և կտավատի մշակության զլխավոր գոտիներից է եղել: 1925-26 տնտեսական տարում բոլոր գավառակներում մշակել են գարի և կտավատ, որտեղ գարու միջին բերքատվությունը 7 գ/հա, իսկ կտավատինը՝ 4,5 գ/հա: Թվարկած մշակաբույսերի արտադրության բարձր ցուցանիշներ են գրանցվել հատկապես Դուզյանդի և Քյավթառուի գավառակներում:

Այդ շրջանում բուսաբուծության զարգացման վրա ազդող կարևոր գործոններից մեկը եղավ գյուղատնտեսական կրթության գործի կազմակերպումը տարածաշրջանում: Արդեն 1922թ. Ալեքսանդրապոլում բացվեց տեխնիկում, որի գյուղատնտեսության բաժինն ուներ 23 ուսանող: Տեխնիկումի սովորողների փորձառությունն ապահովելու նպատակով գավառներում նրանցից ինչին աշխատավարձ նշանակելով ուղարկեց գավառակի գյուղերը: Ջուզախեռաբար գյուղական բնակչության համար կազմակերպվում էին նաև գյուղդասընթացներ, որոնց այդ տասնամյակների ընթացքում մասնակցել են հազարավոր մարդիկ:

³¹ ՀԱԱ Շիրակի տարածքային մասնաճյուղի նյութեր. ֆ.9, ց.1,գ.7,թ.110:

Աղյուսակ 3

Լեւինականի գավառակների 1927-1928թթ. գյուղատնտեսական տարվա
փաստական բերքի քանակը (հա)
(ըստ գավառային փորձագիտական հանձնաժողովի տվյալների)

գավառ	Զորեն		Գարի		Տարեկան		Համար Ներդրումը հա յարբ. 10	Կտավատ	Կարտոֆիլ	Ըխախոտ	Բանջարեղեն	այլ կուտուրանք	ընամենը
	աշնանացան	գարնանացան	աշնանացան	գարնանացան	աշնանացան	գարնանացան							
Նուբրյանդ	775,5	10055,6	5876	29,2	2,4		16806	482,2	46,5		83,6	19,1	631,4
Քյավթամուլ		6957,8	4277	30,4	13,7	20,1	11299	242,3	113,8		46,5	24,9	427,5
Ղզուղոշ		1587,5	2279				3866,5	169,5	51,8		2,7		223,5
Մուլա-Գյոկյա	5,8	9862,3	91,6	5668	21,5	15,1	15675	885,9	28,4		30,4	14,2	998,9
Սմասիա		1974,2		1795			10,3	3779,5	72,0	1,2			78,2
Թալին	861,6	1512,5		1023			3397,1	139,9	14,1	3,9	4,8	8,9	173,6
Հաջի Խալիլ		2301,6		7125	69,5	69,5	28,6	9524,7	245,3	25,2	1,8	6,4	278,7
ընդամենը	1645,9	34251,5	91,6	28043	150,6	100,7	69,7	64347,8	2165,1	281,0	5,9	169,3	733,5

Աղյուսակը կազմելիս օգտագործվել են ՀԱԱ Շիրակի տարածքային մասնաճյուղի
կյութերը. ֆ. 9, ց. 1, գ. 5, թ. 4

Լեւինական քաղաքի մի շարք հիմնարկ ձեռնարկություններ այդ տարիներին ունեցան իրենց գյուղատնտեսական նշանակության հողատարածքները: Այսպես, 1938թ. «Փորձասելեկցիոն» կայանն ուներ 302,9 հա, թոչնաբուծարանը՝ 4,0, «Բանջարաբուծական կայանը»՝ 3,8 և այլ ձեռնարկություններ՝ 280,7 հա հողատարածքներ³²: Քաղաքում գյուղատնտեսական աշխատանքներով զբաղվել են նաև Լեւինականի ճակնդեղի խորհտնտեսությունները, որտեղ աշխատողների թիվը 1936թ. կազմել է 119 մարդ, սելեկցիոն կայանում՝ 45, «Աղյուրերկրամասի» բանվորական մատակարարման բաժնում՝ 85, Լեւինականի տեքստիլի խորհտնտեսության ԲՄԲ-ում՝ 66 մարդ: 1939թ. քաղաքի պետական ցանքատարածությունը կազմել է 444 հա, որից 102,3 հա հատկացվել է բանվորներին և ծառայողներին³³:

Այսպիսով, 1920-30-ական թվականները, հատկապես 1930-ականները Շիրակի բուսաբուծության զարգացման շրջադարձային տարիներ եղան: Հին, ավանդական մենատնտեսական երկրագործությանը փոխարինելու եկան համեմատաբար մեքենայացված կուտնտեսությունները և խորհտնտեսությունները: Երկրագործական աշխատանքների մեքենայացումը, հողաբարելավման աշխատանքները, նոր ջրանցքների կառուցումը, գյուղատնտեսական կրթության գործի կազմակերպումը զգալիորեն նպաստեցին բուսաբուծության համախառն արտադրանքի և ցանքատարածությունների աճին:

³² ՀԱԱ Շիրակի տարածքային մասնաճյուղի կյութեր. ֆ. 9, ց. 2, գ. 203, թ. 12:

³³ Նույն տեղում, թ. 28:

РАСТЕНИЕВОДСТВО ШИРАКА В 1920-1930 ГГ.

Резюме

А. Бояджян

1920-30 гг. стали поворотными в развитии растениеводства Ширака. Старое традиционно-единоличное хозяйство заменили механизированные общественные колхозы. Механизация земледелия, улучшение пахотных земель, строительство новых каналов способствовали резкому росту валового продукта. Как социальные слои исчезли кулачество, бедное и среднее крестьянство, а вместо них сформировались коллективы колхозов и совхозов. В Шираке были разработаны новые сферы развития растениеводства, в частности, сахарной свеклы. Резко повысилось выращивание каргофея.

Изменилась земледельческая культура. На смену традиционных методов была введена социалистическая земледельческая культура.

Տեղեկություններ հեղինակի մասին

Բոյաջյան Արտաշես Գևորգի - պ.գ.թ., ՀՀ ԳԱԱ Շիրակի հայազնական
 հետազոտությունների կենտրոն, ԳՊՄԻ աշխարհագրության միջին,
 E-mail: a.boayjyan@mail.ru